

遷安縣志

修輯姓氏

鑒定

誥授朝議大夫直隸永平府知府游智開
湖南新化人 辛亥舉人

纂修

欽加同知銜永平府遷安縣知縣韓耀光
山西洪洞人 癸亥進士

欽加同知銜 國史館議敘知縣史夢蘭
樂亭縣人 庚子舉人

協修

欽加中書銜遷安縣 教 諭 韓玉城
河間縣人 廩貢生

欽加國子監典簿銜遷安縣訓導張 檢
定州人 癸卯舉人

核刊

理問銜建昌營

巡

檢

鄭天垣

浙江山陰人

三屯營

巡

檢

陳廣烜

浙江山陰人

沙河堡

巡

檢

張汝浩

山東樂陵人

六品銜代理喜峯口

巡檢

陳壽保

浙江桐鄉人

六品銜知縣用遷安縣

典史

王棣華

山西陽曲人

六品銜代理遷安縣

典

史

楊克明

參校

欽加同知銜前任山西文水縣知縣邵正寅

邑人
癸卯舉人

邑

廩

貢

生鄭福清

邑

廩

生金培元

前任廣東白堠司巡

檢

高兆鼎

邑人
增監生

邑

廩

生周蔭棠

邑

廩

貢

生鄭鳴先

督工兼採訪

誥

封

武

德

佐

騎

尉劉朝重

採訪

甲戌科進士卽用

知

縣

劉鵬鳴

戊午科舉人

張廷珣

辛酉科舉人候選

教諭

趙仲

邑歲貢生 國史館 謄錄 裴三益

邑 歲貢 生王文德

郡 廩 生楊寶書

邑庠候選 鴻臚寺敘班 沈元純

邑 優廩 生史鳴琴

邑 附 生孟安泰

邑 附 生李芝臣

邑 庠 生姚鴻錚 三屯人

庠 生龐守約 三屯人 遵化籍

繪圖

從

九

品李京元

分繕

邑

增

生孟梓林

邑

附

生李清芬

邑

附

生沈玉田

邑

附

生范步庭

文

童鄭復恩

文

童周曾濂

文

童王棫森

七例

志者史之一體也宋景定中周應合撰建康志分圖表志傳其製最善是志也而兼備史之體矣一邑雖微而有土田有政事有人材物產凡所當志之端皆他年作史之料志之所繫不綦重哉茲仿景定建康志之例爲圖者二十有九爲表者四爲志者三爲傳者三末立志餘一門以收軼事叢談而一邑之事括焉矣

遷邑幅員遼廓合口內口外縱衡不下數百里凡山川隘塞里社邨莊非圖不明茲爲合圖者三分

圖者十有二城池公署營寨圖者十有四而山水
村莊卽分列其中復以縣城並營寨諸城定其方
向庶使人開卷瞭然

遷邑在漢爲令支屬遼西郡詳見史記索隱康熙
志誤爲右北平乾隆志又有意縣卽屬遼西然不
敢臆斷等語殊爲無據茲改沿革志爲表先將表
中援据之書詳列表前以清靡目昔謝蘊山中丞
修廣西志作郡縣沿革表附考史乘於表後此用
其法而少變其制固同厯無徵不信之懼也

職官改志爲表仿漢書百官公卿表式先詳官制

後敘官名悉按官秩分別其奉裁各缺雖已見於表前官制中又必於各員名下註明不使混淆

舊志於選舉外別立封廕一門茲改志爲表先詳選舉之制後敘人名及科分與有無官階有事蹟者詳於列傳註曰有傳二字而卽以援例出身者附之封廕亦附列於後從其類也

永郡諸水多自口外發源而遷境尤多昔洪稚存作乾隆府廳州縣圖志皆立衆水歸合表列於各直省圖後志前茲特仿爲之與沿革等表並列卷首以見統緒

志首輿地其目有十曰疆域曰星野曰山川曰關隘曰里社曰市集曰風俗曰物產曰古蹟曰記事津梁附於關隘村莊附於里社邨墓附於古蹟星野本屬天文作史立天文志史通尙且譏之何有於縣志茲列星野於疆域後者亦用漢書地理志例也

建置志分六目曰城池曰公署曰學校曰壇廟曰倉儲曰驛站而城池後以養濟院留養局漏澤園附之學校後以名宦祠鄉賢祠書院義學及學田附之壇廟後以寺觀附之驛站後以舖遞附之務

使綱舉目張不致陵亂

田賦志首地畝次戶口又次旗租地畝有賦戶口有徭徭賦備而經費卽出其中故以留支繼焉邑地多被旗圈回贖存退名色不一賦役爲天下所同而旗民錯處則畿內所獨也故別立旗租一目而鹽課雜徵卽以類附於其後

舊志於名宦鄉賢二傳外別爲職官之有宦績者詳官師門爲邑人之有譽望者立人物門意圖分明實形煩碎且以歷代史書各傳與藝文同部標曰文苑尤失史家文苑之義茲於列傳止分爲宦

績鄉型二目而官師人物悉萃其中鄉型以史傳冠首至於邊庭將帥明史有傳者則止撮錄關涉茲土之事不復錄其全傳取其切也

舊志節烈一門止收貞媛烈婦他無與焉茲改爲列女傳凡有婦德母儀及以才華著稱者皆得廁名其中此例昉自後漢書又復分類註明以便稽攷

現存之人雖擢巍科登顯仕負一時重望亦止載其科目官階其事蹟概不著錄謂蓋棺而後論定也現任官亦視此例

鄉賢列女及選舉一門有雖在旗籍而墳墓廬舍隸遷已久者與士著無異故照舊志一例收入

志書標目風景騷人韻事也然或非景而強名曰

景景無入而勉強爲八例撰詩詞務滿其數誠爲陋習且詩不足傳風景亦爲之減色遷志舊有八

景乾隆中重修復增內八景外八景之名殊屬枝

蔓內八景曰

黃臺夕照雲寺曉鐘嵐峯疊翠峽谷影龍靈泉噴玉灤水拖藍西津晚渡

東嶺外八景曰

都山積雪冷口溫泉五指挺秀大相飛泉魚鱗疊錦映壁橫峯黃崖

萬壩獨木仙橋

茲概從刪削惟取詩詞之雅切者附於各

川巖祠宇之後還其本面而已

舊志物產一門極爲蕪雜且多沿襲俗稱茲重加釐訂不與者概行刪削以歸體要

學校壇廟之設鉅典攸關其方向位置及始建重修年分自當詳載至賢儒位次神祇封號與一切祭饗禮儀乃天下所通行載在會典本無須復贅特以邊鄙小邑不能家有其書故撮錄會典所載附註各條之下以便查考省卻典禮一門

舊志記事一門頗多譌謬而所收亦甚不倫如李賢得丹書李成性請箕仙等事近於誕幻與歷代戎祀諸大端並列殊乖體制茲於金元以前之事

俱按正史校正註明所出何書其餘不見正史而與史事相合者註舊志二字卽以災祥附列於其間亦史家編年紀月大事必書之義也他若龍伐木僧伏虎及訟師被冥誅諸條雖事近纖瑣尙屬有關勸懲可資掌故則統歸志餘一門

舊志於市集門內附載牌坊蓋周書表厥宅里之義但牌坊因人而設所重在人不在於坊買櫝還珠無取焉爾故於名臣賢士旣表章於各傳中不復載其坊額亦陸稼書先生靈壽縣志例也

漢書藝文志例原以臚列書目卷數而已遷邑著

述無多卽以所著書名附見其人傳中而散碎詩文各附本事之後不復立藝文一門

舊志人物末復立人材一目收錄文武二十二入似皆不由科第出身者人物人材有何分別且其人既無事蹟可以作傳列於傳後亦覺不倫今悉分附於選舉表中仍其品目而變其位置

辨譌

明季周將軍遇吉錦州衛人詳見明史舊志因俗傳新店爲將軍故里之說遂列將軍於鄉賢中前邑令靳公榮藩有周將軍故里說載在府志謂新

店周姓乃都司周鼎之後其說確有所據案周鼎
國初人從龍入關註籍於遷舊志作明人亦誤
遼后世蕭氏有宮衛兵平州既有提轄司其安喜
以北交於澤州之灤河多中京宮衛地遷安古蹟
有龍紀城楊買驢城乃遼聖宗蕭太后所造或其
宮帳軍也金后多徒單氏不如遼有宮衛如有蕭
氏而后無之舊志於二城俱稱金蕭后所築失考
遷民鎮乃遼遷民縣所改其地在臨渝當卽今之
山海關舊志記事中引元文宗發中衛兵守遷民
鎮及發平灤民塹遷民鎮以禦遼東軍事並改塹